



Dahli naengh youq henz mbonq, song fwngz gaem goekga daejfwtfwt. Bouxgvan de Daeggvangh youq baihrog gwn laeuj dauq daengz ranz, mbouj rox Dahli vihmaz daej? Cij raen lwed hoengzfwgfwg daj goekga Dahli lae okdaeu, doek youq gwnz namh nding lumj dujva nei.

“Baenz …… baenzlawz yiengh-neix? Ngoenzbonz mbouj dwg ndeidedded, baenzlawz youh caiq miz moq lo?” Daeggvangh simyou cam.

“Mwngz miz aen gyauejfoeg ndwi, gij saeh neix cungj dwg mwngz guh baenz, hawj gou baenzlai in.” Dahli doq roq gyauej Daeggvangh baez ndeu doq naeuz, “Mwngz cang aen gaep youq gakranz, duzmeuz din caij deng gaep, gou naemj bae gouq de, de dauq fanj haeb gou, simndei mbouj ndaej bauq.”

“Meuz haeb? Mbouj baenz nw! Vaiqvaiq bae dajcim.” Daeggvangh fuz Dahli hwnj cimozdooz, fatdoengh ci le, lumj mbin nei hai coh yihyen bae.

Canghyw dwg bouxsai ndeu. De cam Dahli gyawz deng haeb, Dahli mbouj gamj gangj, aeu fwngz vix haeuj goekga bae, naeuz: “Gizneix.”

“Duet vaq hawj gou yawjyawj!” Canghyw naj mbouj miz saek geu riu doiq Dahli naeuz.

Dahli cim coh Daeggvangh, naj fwt nding lo. De gej saivaq, duet vaq roengz daeuj donh he, loh ok song diuz gagoek hausupsup. Canghyw aeu fwngz bae nyaenjnjaen geij baez,

naemj dawz gij lwed doeg nyaen okdaeu. Daeggvangh raen canghyw guh yienghneix, byaij ok bakdou bae, miz di mbouj sim’angq.

Yaep ndeu, canghyw youq gwnz caekhaex Dahli dajcim, in ndaej Dahli heuh boh heuh meh bae.

Dahli dauq daengz ranz, giz caekhaex dajcim lij in lumj deng gaeq dot nei. Giz meuz haeb haenx, in daengz aensim diuqbaegbaeg bae. Daeggvangh cim Dahli, gangjriu naeuz: “Mwngz yawj, aen baksieng duzmeuz haeb haenx, hwnj nwnj lumj aen yaenq cup nei hoengzfefe.”

Dahli hoz raeng lumj aen giuznaeng, hoeng mbouj rox baenzlawz guh. “Mwngz gangj yienghneix, cungj miz ngoenz ndeu mwngz hix deng haeb, daengz seizhaenx mwngz gag rox.” Dahli hozndat naeuz.

Dajcim ndaej 7 ngoenz, gij baksieng Dahli menhmenh ndei hwnjdaeu, Daeggvangh cuengqsim okbae dajgoeng lo. Mwh yaek okdou bae, Daeggvangh cup Dahli mbat ndeu naeuz: “Gou bae lo, youq ranz gven cueng ndei, gaej hawj duzmeuz caiq haeb mbat moq.”

Daeggvangh baez bae couhdwg 3 ndwen mbouj dauq, vunz ndaw mbanj mbouj rox de haeuj singz guh maz hong, miz vunz raen Daeggvangh caeuq dah lwgsau ndeu youq gwnz haw haeujok.

Aen siusik neix gig vaiq cienz haeuj ndaw rwz Dahli bae, ngoenz-laeng, Dahli dauqfanj sou ndaej Daeg-

gvangh geiq gvaqdaeu 5000 maenz ngaenz. Dahli aj ga naengh youq bakdou, doiq vunzmbanj baedauq gangj: “Gou couh naeuz ma, Daeg-gvangh mbouj dwg cungj vunz haenx, sou yawj, de ngamq geiq ngaenz dauq.”

Caiq gvaq ndwen he, Daeggvangh fwt dauq daengz ranz, aen naj baihswix suek gaiq baengzsa ndeu. Dahli raen le, mbouj rox miz maz saeh, doq cam: “Naj mwngz baenzlawz lo?”

“Deng meuz haeb lo!” Daeg-gvangh aeu fwngz goemq naj naeuz, “Gou bae cangcoih aen ranz gaeuq ndeu, ndawranz miz duz meuzmeh ndeu ngamq roengz lwg, raen gou haeuj ndaw couh diuq gvaqdaeu, haeb daengz gwnz naj gou lo.”

Banhaemh gwn caeuz liux, Dahli dawz aen hab ndeu okdaeu vut roengz gwnz daiz bae, hwk ndaej Daeggvangh naengh daengz gwnz namh bae.

Daeggvangh ga saenz sim diuq mbouj dingz, de cingq yaek hawj Dahli lwnh 5000 maenz ngaenz baenzlawz daeu. Dahli dauqfanj daej lo: “Gou

dawz 5000 maenz ngaenz cuengq youq ndaw hab neix, mbouj rox seizlawz deng vunz caeg bae lo, mwngz gaej gvaig gou, mwngz gaej gvaig gou……”

Daeggvangh naengh hwnjdaeu, got dawz mbaq Dahli naeuz: “Gaej daej lo, mbouj raen couh mbouj raen, cienznagaenz lix mbouj daiq daeu dai mbouj dawz bae, okbae ra couh ndaej, daej lai vaih da, youh sieng ndangdaej.”

Dahli dingq le riu naeuz: “Lauxgvan, mwngz caen ndei!”

Duenh seizgan neix, Daeggvangh youq ranz mbouj ok bakdou gvaq, moix mbat vuenh yw, cuengq yw cungj dwg de gag guh, mbouj hawj Dahli bang gvaq.

Miz haemh ndeu, Daeggvangh ninzndaek lumj duzmo, mbouj siujsim gaiq baengzsa suek baksieng haenx deng loenq lo. Dahli yawj le, roxnyinh giz sieng baenzlawz hix mbouj lumj duzmeuz haeb, congh heuj naed beij naed hung, baenzlawz yawj hix dwg vunz haeb, Dahli caiq ninz mbouj ndaek lo.



Gij funghgingj gyaundeih Yinhcwngz.

Lanz Dwzlungz ingj.

“Ai, Siu Cuh ya! Din fwngz mwngz riengjret lai lo……” Haenzdah cienz daeuj gij sing heuh, lingh boux dahsau cingq byaij coh henz dah.

“Vaiqdi deuz. Gyoengqde daeuj lo!”

De gipmuengz coi Lungz Byauh. “Gou ngoenzcog caiq daeuj.” “Ngoenzcog gyanghaet dou youh aeu hwnj bya bae lo.”

Lungz Byauh geiq maenh coenz vah doeksat de, doq cienq ndang lizbae.

Hwnzde, de daengx hwnz cungj fangzhwnz caeuq Siu Cuh doxyouq.

Daihgoij Aulungzgeiz Gangj Goj (Daihgeih)

Ngoenz daihgeih, Lungz Byauh hwnq ndaej gig romh, mbwn ronghyaiyai, de byaij le song leix lai roen, daeuj daengz aen mbanj Siu Cuh youq, deq youq aen bakroen hwnj bya, mbouj geijlai nanz, miz bang dahsau hwnj bya gvej nya daj ndaw mbanj gangjnyaengnyaeng byaij gvaqdaeu

·Sawcuenhvaez Lwngnyez·

Gij Golwngnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

dahraix. Gyoengqde bouxboux cungj daenj aen mauhdiemx, gwnz mbaq venj diuz hanzfaexcuk song gyauej soem, lij cug miz cagndaij, daiq fag caxfwz ndeu caeuq aen doengifaex iq cang haeux byaek ndeu, geij boux dahsau doxyouq cungj miz gangj miz riu, doxriengz byaij roennou hwnj bya bae.

Lungz Byauh doq ndoj youq ndaw caznywj, hawj gyoengqde byaij gvaqbae, doeklaeng youq baihlaeng mbouj gig gyaeg laeglemx riengz dwk.

Byaij daengz gwnz bya, gyoengq dahsau cungj sanq bae gvej rum, Lungz Byauh riengz youq baihlaeng, itseiz ra mbouj raen Siu Cuh youq

gyawz, cijndei dauqcawq luenh byaij, yawjraen geij boux dahsau, cix cungj mbouj dwg Siu Cuh, de youh mbouj gamj bae cam, hix mbouj gamj heuh, youq gwnz bya luenh ren le bueng ngoenz, doeklaeng vanzlij dungx iek saetmuengh maranz lo.

Hoeng de mbouj fug, ngoenz daihsam hwnq ndaej engq caeux, caemhcai lij daiq le geij aen lwgmaenz, cigsoh ganj daengz lohnga gyoengq dahsau hwnj bya haenx bae deq, baezneix deq ndaej daengz lo, de raen Siu Cuh caeuq gizyawz dahsau faenhai le, gag boux vunz ndeu byaij hwnj gwnz bya coh baihdoeng bae, de angqvauvau, laeglemx riengz laeng, mbouj gamj hawj Siu Cuh rox.

Youq gwnz bya’ndangq lingq, Siu Cuh daengx roengzdaeu, Lungz Byauh hix doq ndoj youq baihlaeng gofaex hung he, raen Siu Cuh venj aen doengifaex iq cang haeux byaek youq gwnz gofaex iq, cagndaij caeuq hanzgyaeuq hix coq youq lajde, dawz fag caxfwz he, binjbinj gavaq caeuq genbuh, yaep ndeu hix mbouj daengx, couh youq gizde gvej rum hwnjdaeu.

Lungz Byauh mbouj gamj hawj de rox bonjfaenh youq gizneix, couh laeglemx bin hwnj gofaex hung, naengh youq gwnz ngafaex, daj baihgwnz yawj cim Siu Cuh gvej rum.

(caengz sat)